

## SUL CYFFREDIN 7

GENESIS 21:8-21; SALM 86:1-10;  
RHUFEINIAID 6:1B-11; MATHEW 10:24-39

---

---

### ● Gweddi agoriadol

Dy rodd werthfawr yw'r diwrnod hwn,  
fe'i derbyniwn gyda diolch.

Cyfeiria ein meddyliau a'n gweithredoedd,  
inni wneud gwell defnydd ohono  
yn addoli a gwasanaeth ein bywydau.

Dy rodd werthfawr di yw'r diwrnod hwn;  
gad i ni ei rannu yn llawen.

### ● Moliant

Mae dy gariad y tu hwnt  
i'n gallu i'w fynegi,  
y gallet garu pob un ohonom  
ddigon i gario croes.

Arweinydd: Mor fawr yw dy enw

**Pawb: A theilwng o fawl!**

Mae dy heddwch yn ddigon cryf  
i dawelu'r stormydd sy'n bygwth ein bywyd;  
a'n harwain i ddyfroedd tawelach  
ble gallwn orffwys dro.

Arweinydd: Mor fawr yw dy enw

**Pawb: A theilwng o fawl!**

Dy lawenydd yw'r melyster sy'n dod â gwên  
i godi'r galon drom,  
a rhoi digon o olau i'n harwain drwodd  
pan fo'r cwbl yn dywyll.

Arweinydd: Mor fawr yw dy enw

**Pawb: A theilwng o fawl!**

● **Cyffes**

Pan anghofiwn  
bopeth a wnaethost,  
maddau i ni Arglwydd, os gweli'n dda.

Pan anghofiwn  
y cariad a ddangosaist  
a doethineb dy eiriau,  
maddau i ni, os gweli'n dda.

Pan anghofiwn  
y bywyd a rodداist  
a'th Ysbryd yn ein calon,  
maddau i ni, os gweli'n dda.

Pan anghofiwn  
dy alwad i wasanaethu,  
ac i wrando ar ein byd,  
maddau i ni, os gweli'n dda.

Pan anghofiwn  
bopeth a wnaethost,  
tyn ni at dy draed  
a rho faddeuant, Arglwydd, os gweli'n dda.

● **Diolch**

Diolch i ti am roi llais i ni  
y gellir ei glywed yn glir  
uwchlaw dwndwr ein byd;

cleddyf miniog  
yn torri drwy sŵn dryslyd  
y rheini sy'n dy wadu;

yr awdurdod  
i siarad y gwir yn dy enw glân,  
a dod â golau i'r gornel dywyll hon;

llais proffwydol  
a'r dewrder i'w ddefnyddio,  
i gyffwrdd calonnau yma nawr.

Diolch i ti am roi llais i ni  
y gellir ei ddeall yn glir  
yn cyhoeddi dy enw gogoneddus.